

Siunnersuut malittarisassatut suleqatigiinnermut ataatsimiititaliamutmi

Siunertaa.

§ 1. Suleqatigiinnermut ataatsimiititaliaq sulissaaq sulinermi suliaqarnermilu pissutsit ajunngitsut eqqissisimanartullu piunnartinniarlugit suleqataassallunilu suleqataasut tamarmik peqataatinneqarnissaannut ullormut suleqatigiinnermi.

Ataatsimiititaliamik pilersitsineq.

§2. Suleqatigiinnermut ataatsimiititaliaq pilersinneqassaaq tunngavigalugu "Sinaakkutassatut isumaqatigiissut pillugu suleqatigiinneq sunniuteqaqataanerlu nunatsinni kommunini" pilersinneqartoq KANUKOKA'p aamma IMAK'p ulloq 5. januar 2001 isumaqatigiissuteqarneratigut..

Stk. 2 Ataatsimiititaliaq katiterneqassaaq "x qassit" pisorta qarfiup sinniisuinik kiisalu "Y qassit" suleqataasut sinniisuinik.

Stk. 3. Atuarfiup pisorta qarfiata toqqassavai pisorta qarfiup sinniisui kiisalu ajornassanngippat taakku sinniisussaat.

Stk. 3 Suleqataasut sinniisuisa ilaat tassaassaaq IMAK sinnerlugu tatigisatut sinniisoq. Ilaasortat sinniisaasa sinneri qinerneqassapput ilaasortanit ilaasortallu akornannit, Suleqataasut sinniisuisa arlaannaalluunniit pisortatut atuuffeqassanngilaq. Tamatuma saniagut qinerneqassapput sinniisussaq ataaseq suleqataasut sinniisuinut tamanut immikkut.

Stk. 6 Sinniisut qinerneqassapput ukiut marlukkaarlugit atasussatut.

Stk. 7 Atuarfiup pisortaa akisussaasoq ataatsimiititaliap siulittaasoraa.

Stk. 8 Suleqataasut sinniisuisa qinissavaat siulittaasup tullia sinniisumi akornannit.

§3. Suleqatigiinnermut ataatsimiititaliamut suleqataasut sinniisuisa qinerneqarnerata kinguninnguagut siulittaasoq ataatsimiigiaqqusissaaq.

Stk. 2. Ataatsimiititaliap ataatsimiititaliap allatsissaa qinissavaa. Allatsi ataatsimiititaliamut ilaasortaasariaqanngilaq.

Ataatsimiigiaqqusineq

§ 4. Siulittaasoq ataatsimiigiaqqusissaaq, siulittaasup imaluunniit siulittaasup tulliaata taamaaliornissaaq pisariaqartuutippagu, taamaattoq minnerpaamik qaammatit pingasunut ataasiarluni.

Stk. 2 Aammattaaq ataatsimiittoqassaaq, suleqataasut sinniisuisa amerlanerussuteqartut siulittaasumut imaluunniit siulittaasup tullianut tamanna qinnutigalugu saqqummiuppasuk. Qinnutigisap taassuma imarissavai apeqqutit oqaluusereqqullugit kissaatigineqartut.

Stk.3. Ataatsimiigiaqqusissut siulittaasup nassiutissavaa.

§ 5. Ataatsimiigiaqqusineq pissaaq sap. akunnerinik pingasunik sioqqutsisumik aggersaanikkut. Ataatsimiigiaqqusisummut ilanngullugu nassiunneqassaaq oqaluuserisassat allasimaffigigallagaat.

Stk. 2. Sivikinnerusumik piffissaqartitsilluni ataatsimiigiaqqusineqarsinnaavoq, imaappat, tamatumani pineqartoq suliaasaappat nukinginnartoq, aamma siulittaasup siulittaasup tulliaatalu tamanna isumaqatigiissutigippasuk.

§ 6. Ilaasortaviit pisinnaanngippata, siulittaasup sinniisussat ataatsimiigiaqqussavai.

Oqaluuserisassat

§ 7. Oqaluuserisassat allassimaffianni allassimasussatut oqaluuserisassatut siunnersuutit siulittaasumi imaluunniit siulittaasup tullianeeriissapput kingusinnerpaamik ataatsimiinneq sap. akunnerinik marlunnik sioqqullugu. Ilaasortat siunnersuutaat ilaqartinneqassapput allaganngorlugu allaaserisamik.

Stk. 2. Oqaluuserisassat allassimaffiviat suliarineqassaaq siulittaasumit aamma siulittaasup tullianit, nassiunneqassaarlu kingusinnerpaamik ataatsimiilernissaq sap. akunnera ataatsimik sioqqullugu.

Stk. 3. Sivikinnerusumik piffissaqartitsilluni oqaluuserisassamik oqaluuserisassat allassimaffiannut ilanngussisoqarsinnaavoq, ataatsimiititaliamut ilaasortat tamarmik tamanna isumaqatigippassuk.

Ataatsimiinnerit ataatsimiinnernillu siulersuineq

§ 8. Ataatsimiititaliap ataatsimiinneri matoqqasuupput.

Stk. 2. Ataatsimiititaliap aggersarsinnaavai inuit immikkut ilisimasallit tusarniaavigissallugit oqaluuserisassat ilaata ataatsip oqaluuserinissaanut.

§ 9. Ataatsimiinnerit siulersorneqassapput siulittaasumit imaluunniit taassuma pisinnaannginnerani siulittaasup tullianit.

§ 10. Ataatsimiinnerit pisassapput piffissami suliffiunerusumi.

Aalajangiinerit oqaaseqaateqarnerillu

§ 11. Illuatungeriit anguniassavaat isumaqatigiinnissaq. KANUKOKA'p aamma IMAK'p akunnerminni sinaakkutassatut isumaqatigiissutaannik unioqqutitsinerussaaq, iluaqutaasussamik isumaqatigiinniarnissamut piumassuseqarnermik ersersitsineqanngippat.

Stk. 2. Isumaqatigiissinnaanissaq anguniarlugu illuatungeriit ilitersuutininik piniarsinnaapput KANUKOKA'miit aamma IMAK'miit kiisalu suleqataasut pineqartut kattuffiiniit.

Imaqarniliaq.

§ 12. Ataatsimiititaliami allatsip ataatsimiititaliap ataatsimiinneri imaqarniliussavai.

Stk. 2. Imaqarniliaq ilaasortanut nassiunneqassaaq siulittaasumit siulittaasullu tullianit akuerineqareerniariapat kingusinnerpaamillu ataatsimiinnerup kingornagut sap. akunnera ataatsip qaangiunneragut.

Stk. 3. Imaqarniliaq saqqummiunneqassaaq tullianik ataatsimiinnermi inaarutaasumik akuerisassatut.

Nipangiussisussaataaneq.

§ 13. Ataatsimiititaliamut ilaasortat akornuserneqaratik ataatsimiititaliami qanoq oqaluuserinnissimaneq eqqartorsinnaavaat, taamaattorli ilaat pinnagit, takuuk imm. 2.

Stk. 2. Ilaasortat taamaattoq nipangiussisussaataapput pissutsinut ima issuseqartunut, isertuunneqarnissamik pisariaqartitsiffiusunut imaluunniit peqqusiffiusunut.

Stk. 3. Nipangiussisussaataaneq taamaatissanngilat ataatsimiititaliamit tunuarnermi.

Ataatsimiititaliap suliassai.

Paasissutissiineq oqaluuserinninnerlu

§ 14. Suleqatigiinnermut ataatsimiititaliap suliassaraa paasissutissiissutininik tigusissalluni aamma oqaluuserissallugit pissutsit tamaasa pingaaruteqartut atuarfiup sulineranut aamma atorfeqartitanut tunngasut pissutsit.

Stk. 2 Atuarfiup pisorta qarfiata paasissutissiissutigissavai pissutsit pingaaruteqartut tamaasa atuarfiup sulineranut pissutsinullu atorfeqartitanut tunngasut, tamatuma iluaniillutik pingaartumik makkununga tunngasut

?? Siunnersuutit aningaasatigut missingersuutitut naatsorsuutitnullu atuarfimmud tunngasunut tamanut kiisalu piumartumik paasissutissiineq allannguutitut anneruunut naatsorsuutitut aningaasaqarnermullu tunngasutigut.

?? Annerusumik suliat allanngortiterneqarnerannut imaluunniit pisariillisaaniutitut.

?? Teknologimik, atortorissaaruteqarnikkut nutaamik atulersitsinernut.

Stk. 3 Suleqataasut sinniisuisa paasissutissiissutigissavaat iusmmat pissutsillu suleqataasut pigisaat, suleqatigiinnermut pingaaruteqartut.

Stk. 4 Paasissutissiissutit, ataatsimiititaliamut tunniunneqartut tamarmik, ataatsimiititaliami oqaluuserinnissutigineqassapput.

Stk. 5 Paasissutissiissutit tamarmik ima piaartigisumik pissapput, suleqataasut sinniisuisa isumaat siunnersuutaallu tunngaviusinnaassallutik pisorta qarfiup inaarutaasumik isummerfiginninneranut.

Aalajangeeqataaneq

§ 15. Suleqatigiinnermut ataatsimiititaliap suliassaraa aalajangeeqataassalluni aalajangersaanermut najoqqutassanut atuarfiup sulineranut atorfeqartitanullu tunngasut pissutsit aaqqissuunneqarnerannut, tamatuma iluaniillutik

Sulinermit pissutsit:

?? Ullormut piffissap suliffiusup pausillu, unikaallaffiit, inissinneqarnerat

?? Ilorrisaarutissatut suliniutit kiisalu taakku atortinneqarnerat

?? Pissutsit suleqataasut isumannaatsuunissaanut tunngasut

?? Malittarisassat suliarineqarnerat

?? Sulinerup aaqqissuunneqarnera

?? Sulinermit periaasissat aalajangersarneqarnerat

?? Init suliffiusut naleqquttut inissitsiteriffigineqarnerat

?? Suliaqarfiit timip eqqortumik inissisimanissaanik naatsorsuutiginnittut inissitsiternerat

?? Atortorissaarutit, maskiinanik atortussianillu tunaartarisamut naapertuuttunik atuineq/iluaqutiginninneq

Atorfeqartitanut tunngasut

?? Atorfinititsinerit

?? Soraarsitsinerit

?? Qaffatsitsinerit

?? Suleqatit akornanni ilinniagaqartitsinerit

?? Suleqatinik allamat nuutsitsinerit, atuartitseqqinneq ilinniagaqartitseqqinnerlu

?? Suleqatinngorlaat pulajartuaartinnissaannik ilusilersuineq ingerlatsinerlu

?? Atorfiit allaaserineqarnerat

?? Suleqatinik naliliineq

?? Angutit arnallu naligiissitaanerat

Stk. 2. Suleqatigiinnermut ataatsimiititaliami najoqqutassanik aalajangersaanermi pisariaqartinneqarpoq illuatungeriit isumaqatigiinnissaat. Oqaluuserinninnermut atatillugu ersersinneqassaaq iluaqutaasussamik isumaqatigiinniarnissamut piumassuseqarneq.

Stk. 3. Najoqqutassiat aalajangersakkat suleqatigiinnermut ataatsimiititaliap ataatsimiinnerani ima qarniliami imaluunniit immikkut allaaserisami illuatungeriinnit atsiukkami allassimasunngorlugit ilusilersorneqarsimassapput.

Stk. 4. Najoqqutassiat pituttuissutaapput pisorta qarfimmu suleqataasullu sinniisuinut pisussaasunut illersussallugit atussallugillu najoqqutassiat aalajangersagaasut oqaluuserinninnerni ataasiakkaani.

Stk. 5. Iluatungeriit tamarmik najoqqutassiatut aalajangersakkat atorunnaarsissinnaavaat qaammatit marlunnik piffissaqartitsillutik. Atorunnaarsitsineq pitinnagu, suleqatigiinnermut ataatsimiititaliami nalinginnaasumik oqaluuserinninnikkut najoqquttanut atuutereersunut allannguutissat naammassiniarneqassapput, illuatungeriinnut naammaginartumik.

§ 16. Suleqatigiinnermut ataatsimiititaliaq pisussaavoq isumagissallugu, suleqataasut tamarmik – allaganngorlugu imaluunniit oqaatigallugu – piuartumik ilisimatinneqartarnissaannut ataatsimiititaliap sulinera pillugu.

Aningaasaqarneq:

§ 17. Aningaasartuutit ataatsimiititaliamut tunngasut atuarfimmit akilerneqassapput.

Stk. 2 Ataatsimiititaliap suliarissavaa, atuarfiup aningaasatigut missingersuusiornanun tunngatillugu, ataatsimiititaliap sulineranut aningaasatigut missingersuut, taassuma iluaniissallutik ataatsimiititaliap ilaasortaasa ilinniartitaanerannut aningaasartuutissat.

Atuutilersitsineq

§ 18. Ataatsimiinnerni najoqqutassiaq atuutilissaaq illuatungeriit atsiorneratigut.

Atuarfik , ulloq

Siulittaasoq

Siulittaasup tullia